



Dipotšišo tšeo di botšišwago kgafetša kgafetša (FAQ)

1. Tlhalošo ya kakaretšo ya SI

1.1 Tlhahlo ya Tlaleletšo (SI) ke eng?

Karabo: SI ke lenaneo la thekgo la tlaleletšo leo le šomišago mananeo a go ithuta ka dihlopha ao a hlahlwago ke baithutimmogo go thuša baithuti go atlega ka dimmotšulo tšeo go ya ka histori di lego tlhohlo goba di le boima go di phasa.

1.2 SI e fapana bjang le thuto ye e tlwaelegilego?

Karabo: SI e nepiša thuto ya baithutimmogo yeo e eteletšwego pele ke moithuti yo a phasitšego mmošulo, mola go ruta go eteletšwe pele ke motlhahli yo a nago le maswanedi

1.3 Maikemišetšo a mananeo a SI a onelaene ke afe?

Karabo: Dithuto tša Onelaene tša SI di diretšwe go aba thekgo ya tša thuto go baithuti go sa šetšwe gore ba kae

1.4 Ke bomang bao ba ka bago batšeakarolo go dikopano tša onelaene tša SI?

Karabo: Moithuti yo mongwe le yo mongwe yo a ingwadišeditšego mmošulo wo o hlaotšwego go hwetša thekgo ya SI a ka ba gona go dikopano tša onelaene

1.5 Na dikopano tša Onelaene tša SI ke tša kgapeletšo?

Karabo: Aowa, lenaneo la SI ga se la kgapeletšo, eupša re hlohleletša baithuti go ba karolo ya dikopano

1.6 Mananeo a SI a onelaene a rulagantšhwa bjang?

Karabo: Mananeo a rulagantšhwa go ya ka palo ya baithuti bao ba lego gona, ka morago ga dithuto tša onelaene, ditšhupamabaka di tla bewa weposaeteng ya SI

1.7 Ke diforamo dife tšeo di šomišwago ke SI onelaene?

Karabo: Ga bjale, go šomišwa Microsoft Teams



1.8 Nka fihlelela bjang tšhupamabaka ya SI onelaene?

Karabo: Ditšhupamabaka di hwetšagala letlakaleng la weposaete la SI le/goba letlakaleng la mmotšulo (ditsebišo)

1.9 Na go na le tefo ya go tsenela SI onelaene?

Karabo: Aowa, mananeo a SI a diretšwe baithuti ka moka bao ba nago le maswanedi

1.10 Ke dife dimmotšulo tše di lebantšhitšwego mananeong a SI a onelaene?

Karabo: Dimmotšulo tše di kgethilwego, tše baithuti ba ba ntši ba palelwago ke go di phasa

2. Theknolotši le Pihlelelo

2.1 Ke sedirišwa sefe seo ke se hlokago go ba karolo ya SI onelaene?

Karabo: Khomphutha, thapolete, goba smartphone yeo e nago le kgokagano ya inthanete

2.2 Ke tsena bjang lenaneong la SI?

Karabo: Šomiša boitsebišo bja gago bja myUnisa go tsenela dikopano

2.3 Naa nka šomiša selefouno go mananeo a SI?

Karabo: Ee, kgonthiša gore o na le Microsoft Teams App ka go smartphone sa gago

2.4 Na dikopano di a rekhotwa gore baithuti ba di fihlelele ka morago ga thuto?

Karabo: Ee, dikopano ka moka tša SI di a rekhotwa, gape di hwetšagala ka gare ga folda ya mmotšulo wa maleba go Microsoft Teams

2.5 Nka rarolla bjang mathata a go tsena?

Karabo: Netefatša gore o šomiša tshedimošo ya gago ya moithuti (o swanetše go šomiša myUnisa), goba gore inthanete e šoma gabotse

3 Batapele ba SI le Tlhahlo

3.1 Ke bo mang baetapele ba SI?



Karabo: Baetapele ba SI ke baithuti bao ba hlahlilwego bao ba phasitšego mmotšulo ka katlego (ka minamamo ya 65%), ba file tumelelo ke Mofahloši wa mmotšulo, gomme ba šoma Unisa go tlhahla mananeo a SI

3.2 Baetapele ba SI ba kgethwa bjang?

Karabo: Ba kgethwa go ya ka bokgoni bja bona bja tša thuto, gomme ba latela tshepedišo ya go thwala bašomi ka go dira kgopelo ya mošomo.

3.3 Ke tlhahlo efe yeo baetapele ba SI ba e hwetšago?

Karabo: Ba hwetša tlhahlo ya goba batlhahli, go ithutammogo, le go šomiša didirišwa tša inthaneteng.

3.4 Naa nka ikgokaganya le Moetapele wa ka wa SI ka ntle ga dikopano tša SI?

Karabo: Ee, eupša fela ka Microsoft Teams Chat polatefomong ya mmotšulo wa gago.

3.5 Karolo ya Moetapele wa SI diforamong tša dipoledišano tša SI tša onelaene ke efe?

Karabo: Ba hlhla dipoledišano, ba hlohleletša baithuti go tšea karolo le go hlatholla dikgopolo

3.6 Baetapele ba SI ba lokišeletša bjang dikopano tša onelaene?

Karabo: Ba tsena ditlase tša onelaene tšeo di hlhlwago ke Mofahloši wa mmotšulo, ba bala matheriale wa thuto, le go beakanya mešongwana ya thuto.

3.7 Na nka ba Moetapele wa SI?

Karabo: Ee, ge e ba o na le maswanedi (a tša thuto), o dira kgopelo ya mošomo gomme wa kgethwa, gomme ka morago wa fetša tlhahlo ya kgapeletšo

3.8 Ke mangwalo a fe a thuto ao a nyakegago go ba moetapele wa SI?

Karabo: Moetapele wa SI ke moithuti yo a ingwadišedišego dithuto, a nago le rekhoto e tiilego ya tša thuto, a kgona go šomišana le batho ba bangwe, gomme o phasitše mmotšulo wo a nyakago go ba moetapele wa SI go wona

3.9 Baetapele ba SI ba laola bjang baithuti ba go fapanafana onelaene?



Karabo: Ba arogantšha baithuti ka diphapošing tše nnyane, ba šomiša dikgetho, dipapadi le diforamo tša dipoledišano gore baithuti ba tšee karolo

3.10 Na baetapele ba SI ba a hlahlobja?

Karabo: Ee, ka ditshwaotshwao go tšwa go baithuti le mofahloši wa SI

4 Diteng tša thuto le Sebopego

4.1 Go direga eng nakong ya thuto ya SI ya onelaene?

Karabo: Baithuti ba šomiša matheriale wa thuto go šišinya dithopiki, go ahlaahla le go tla ka ditharollo tša mathata ao ba kopanago le ona thutong

4.2 Na dikopano di theilwe dithutong?

Karabo: Aowa, baithuti ba šomammogo, di diretšwe go aba thekgo go baithuti ka dikarolo tša mmotšulo tšeo di lego boima.

4.3 Baithuti ba hlohleletšwa go šoma mmogo ka tsela efe onelaene?

Karabo: Ka mešongwana ya dihlopha, dipoledišano le go abelana ka ditokumente

4.4 Na go šomišwa dipotšišontši goba dikgetho diforamong?

Karabo: Ee, go lekola kwešišo le go kgothaletša baithuti go tšea karolo

4.5 Na nka šišinya dithopiki go SI?

Karabo: Ee, baithuti ba kgothaletšwa go laetša mo ba hlokago thekgo ka dithuto tša bona. Le ge gole bjalo, maikemišetšo a thuto ya tleleletšo ya SI ke gore e sepedišane le dithopiki tša ka tlelaseng, eupša baithuti ba ka romela dithopiki tšeo ba hlokago thekgo go tšona.

4.6 Na dikgopolo tše boima di hlalošwa bjang?

Karabo: Baetapele ba SI ba šomiša mehlala, dipapišo le poledišano le baithutimmogo

4.7 Na go na le diphapoši tša go arogantšha baithuti?

Karabo: Ee, baithuti ba arogantšhwa ka dihlopha tše nnyane

4.8 Dikopano di tšea nako e kaakang?



Karabo: Dinako di fapana go ya ka dikholetšhe, eupša dithuto tša SI gantši di tšea iri e tee go ya go tše pedi.

4.9 Na SI e fa baithuti mešongwana ya thuto ya gae?

Karabo: Aowa, eupša ba hlohleletšwa go dira mešongwana ya tlaleletšo

5 Dipoelo tša thuto le dipenefiti

5.1 Na SI e ka nolofatša dithuto ka tsela efe?

Karabo: Ka go rutagape diteng tša mmotšulo le go hlohleletša go ithuta

5.1 Ke bokgoni bofe bjo nka bo hwetšago go tšwa go SI?

Karabo: O tla kgona go nagana ka tsinkelo, go ithuta le baithutimmogo, le go šomiša mekgwa ye mengwe ya go ithuta

5.2 Na SI e ka šomiša ke baithuti ba onelaene

Karabo: Ee, e šomiša mekgwa wa go aba thekgo wo o beakantšwego go baithutimmogo

5.3 Na SI e ka thuša ka peakanyo ya ditlhahlobo?

Karabo: Ee, diforamo di akaretša dipotšišo le mešongwana ya thuto

5.4 Na SI e thekga baithui go thuto ye e ikemetšego ka tsela efe?

Karabo: E kgothaletša baithuti go tšea maikarabelo a thuto ya bona

5.5 Na go na le dipalopalo tša bao ba atlegilego ka morago ga lenaneo la SI?

Karabo: Ee, go na le diinstitšhušeni tša go feta 800 lefaseng tšeo di abago mananeo a Thuto ya Tlaleletšo gomme dipego di laetša gore baithuti bao ba tšeago karolo ba šoma gabotse dithutong tša bona, gomme kgonagalo ya go tlogela dithuto e theogile.

5.6 Na SI e ka thuša ka taolo ya nako?

Karabo: ee, ka go tšwetšapele mekgwa ya go ithuta ka mehla

5.7 Na SI e kaonafatša boitshepo mo thutong?

Karabo: Ee, ka go fa baithutimmogo thekgo gore ba kwešiše diteng tša thuto.



5.8 SI e aba thekgo bjang go baithuti bao ba ithutelago dithuto tša ngwaga wa mathomo?

Karabo: E nolofatša phetogo ya go ithuta maemong a yunibesithi (dimmotšulo tše dingwe ke tša ngwaga wa bobedi le wa boraro).

6 Go tsenela le go tšea karolo

6.1 Na palo ya baithuti e a rekhotwa onelaene?

Karabo: ee, go hlokomela le go kaonafatša tshepedišo

6.2 Go tla direga eng ge ke sa kgone go ba karolo ya thuto?

Karabo: o ka tsenela thuto ye nngwe goba wa lebelela dimatheriala tša thuto goba wa lebelela direkhoto

6.3 Na nka tsenela dithuto tša tlaleletšo tše mmalwa ka beke?

Karabo: Ee, ge go na le dithuto tša tlaleletšo tše di rulagantšwego

6.4 Na ke hloka go retšisetara go ba karolo ya dithuto tša tlaleletšo

Karabo: Aowa, dithuto tša tlaleletšo tša SI ke tša boikgethelo go baithuti ka moka bao ba ithutelago dimmotšulo tše di abago mananeo a SI, ga go hlokege gore ba ingwadiše gape

6.5 Na go na le meputso ya go tšea karolo?

Karabo: Aowa, SI ga ena le meputso, ke thuto ya boikgethelo

6.6 Nka tšea karolo bjang ka onelaene?

Karabo: Ka go ba karolo ya dithuto tša onelaene tše di rulagantšwego ke mofahloši, ka go botšiša dipotšišo diforamong tša dipoledišano, le ka go dira mešongwana ya thuto.

6.8 Na go na le ditšhušumetšo tša go ba gona ka mehla?

Karabo: Ee, o tla ba maemong a mabotse a go dira diasasementa tša gago gore o kgone go atlega thutong ya mmotšulo. Gape o ka šomiša se o ithutilego sona go dimmotšulo tše dingwe tše di se nago thuto ya tlaleletšo ya SI

6.9 Na nka ya dikopanong tša SI tša dimmotšulo tše ke sa ingwadišetšago tšona?



Karabo: Aowa, SI ke ya mmotšulo wo itšego

6.10 Na nka dira eng ge ke na le dihlont tša go tšea karolo?

Karabo: O ka šomiša foramo ya dipoledišano goba wa tšea karolo dihlopheng tše nnyane

7 Tlhokomelo le Tekolo

7.1 Lenaneo la SI le lekolwa bjang?

Karabo: Go tšwa go ditebeledišišo, datha ya baithuti, le dipelo tša tša thuto

7.2 Na diforomo tša ditshwaotshwao tša baithuti di a šomišwa?

Karabo: Ee, go kaonafatša khwalithi ya lenaneo

7.3 Bafahloši ba SI ba lekola mananeo a SI bjang onelaene?

Karabo: Ka go tsenela mananeo a SI, go fa ditshwaotshwayo, le go fa dihlošo tšeo di tseneletšego.

7.4 Khwalithi e kgonthišwa bjang ka go SI ya onelaene?

Karabo: Ka tlhahlo, ditebelelo le go fa ditshwaotshwao

7.5 Lenaneo la SI le lekolwa ga kae?

Karabo: Ngwaga ka ngwaga goba ka semesetara

8 Kopantšho le mananeo a thuto

8.1 Dipelo tša SI di sepelelana bjang le dipelo tša khoso?

Karabo: Ke thuto ya tlaleletšo yeo e latelago dinepo tša thuto.

8.2 Na bafahloši ba šomišana le Baetapele ba SI?

Karabo: Ee, go netefatša gore ba boledišana ka mošomo kgafetšakgafetša le go aba thekgoya maleba go baithuti.

8.3 SI e thekga bjang mokgwa wa go ithuta wo o kopantšwego?

Karabo: Ka go aba thekgo go baithuti onelaene le ka mananeo ao SI ao a rekhotilwego



8.4 Na dithuto tša tlaleletšo tša SI di kgokagantšwe le ditekolo?

Karabo: Di thekga peakanyo ya tlhahlobo eupša meputso e ka se šomišwe.

9 Kakaretšo le Phihlelelo

9.1 Na thuto ya tlaleletšo ya SI e ka fihlelelwa ke baithuti bao ba nago le bogolofadi?

Karabo: Ee, ditšhupatsela tša Microsoft Teams di tla thuša baithuti go fihlelela lenaneo la thuto ya tlaleletšo ya SI

9.2 Na baithuti ba boditšhabatšhaba ba ka kgona go ba karolo ya lenaneo la SI?

Karabo: Ee, eupša dinako tša thuto ya SI di šomiša GMT+2

9.3 Na ditlhalošo tše di tswaletšwego di gona?

Karabo: Ee, di šomiša Microsoft Teams go fa ditlhalošo ka fase ga leleme la la thuto.